



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tora nevi'im u-ketuvim

Leusden, Johannes

Amstelodami, 1667

Judicium Jacobi Altingi Pridem Linguæ Hebr. & jam S. Theol. Profes. in
Academiâ Groninganâ, De Novâ hâc Editione Bibliorum Hebraïcorum.

urn:nbn:de:hbz:466:1-39406



Judicium Jacobi Altingi

Pridem LINGUÆ HEBR. & jam S. THEOL. PROFES.
in Academiâ Groningana,

De Novâ hâc Editione Bibliorum Hebraïcorum.

Lectori pio S.

Prodit nunc altera Editio Bibliorum Hebræorum, Viri industrii JOSEPHI ATHIAS studio ac sumtu adornata. Idem ante sexennium vulgavit exemplar, quo sætegit alia antiquiora vincere. Verum isto, quod jam dat, semetipsum superare allaboravit. Ut nihil dicam de argumentis rerum vel sermonum Latinè margini adscriptis; quod novum plane sed utilissimum est institutum: longe accuratius quam ante ad voces literasque omnes attendit, ne quid ex isto genere redundaret, ne quid deforet, ne quid situm ordinemve desereret. Præstitit similiter magnam diligentiam circa vocalium accentuumque notas, ut propriæ cuique dictioni ac syllabæ tribuerentur. Religiosè secutus est codices quosdam MSS. canæ antiquitatis, nec non Masoram & Davidem Kimchium similia tractantes. Denique id operam dedit, ut non solum commodo aliorum, sed securitati quoque consuleret, & suppeditaret universis codicem in quo præ cæteris possent acquiescere. Hac de causa multitudinem adhibuit Correctorum ac Censurorum, qui testes forent bonæ suæ fidei, deque eâ apud alios etiam præcones & sponsores. Postquam vero aliquousque processerat, speciminis ergo aliquot primum folia ad me quoque destinare dignatus est, mox submitit universa, ut pariter censuram instituerem, diceremque sententiam. Atque illa quidem mihi lecta & examinata sunt, ista non
item

item, quod gravioribus distringerer negotiis. Cum tamen facer manipulus universæ segetis, unde demessus fuit, referat indolem; & quod diverbio dicitur, ex ungue leonem noscere liceat, illa ipsa folia implerunt me spe, imo fiducia, totum opus cum pulchritudinis, tum integritatis, quanta quidem hominibus humanisque congruit, ornamenta possidere, ac Editoris famam & nomen *Bombergiis, Plantinis, Stephanis*, & quicumque Hebræa Biblia accurate & eleganter expressisse laudantur, merito esse annumerandum, ut pari gloriâ ad posteritatem memoria ipsius transmittatur. Ne quis autem vanitatis meam damnet fiduciam, hujus Editionis non modo usum commendo, sed etiam collationem cum prioribus alijs vel emendatissimis. Videbit enim quod dixi, quisquis oculo, censorio licet, perlustraverit, & cujus suspectam forte habuit credulitatem, novus suffragator confirmabit testimonium: pariterque mecum & Editorem prædicabit, & Editionem: atque ut hæc à plurimis expetatur, feliciterque usurpetur; ille verò fructu laboris sui lætus fruatur, quantum in se est, optabit, efficiet.

Scripti Groningæ Frisiorum

d. 2. Maii. 1667.
22. Apr.

Jacobus Alting.

JUDICIUM CHRISTIANI SCHOTANI

S. Theologiæ Professoris in Academiâ Franekeranâ Frisiorum,

De nova hæc editione Bibliorum Hebraicorum.

L. P. S.

VIDI, suppeditante amico, editionem recentem Veteris Testamenti Hebraici, quæ Amstelodami ex officina Josephi Athiæ, hominis Judæi, obstetricatione & cura viri doctissimi & diligentissimi D. Johannis Leusden nunc prodit. Mirifice me afficiebat elegantia, cura, diligentia. Vincit enim omnium, quas hætenus vidimus, editionum κατὰ πρότερον, laudem & industriam. Formæ literarum grandes, nitidæ, ductibus & apicibus suis accuratissimæ & expressissimæ. Tum vero signorum enuntiationis & accentuum, ad analogiam sermonis & γραμματικῆς, pene supersticiosa & nimia observatio, si quid hic nimium esse possit. Si Masoritarum diligentissimi, qui unquam in seculo fuere, reviviscerent, dicerent voto suo satisfactum esse, nec usquam a scitis suis & linguæ genio aberratum. Editionem produisse, quæ desiderii summam æquaret. Felices tyrones hujus linguæ studiosi; hic nihil inversum, nihil distortum, nihil quod offendere possit aut perturbare. Quanta diligentissimi cura fuerit, vel id solum indicet, quod breve hic nusquam adjectis punctis cum raptò confundatur. Quam observationem suam Magnus Drusus, si in vivis esset, miraretur, tam diligenter teneri potuisse, præter omnium editionum consuetudinem. Laude sua & encomio nolim fraudari optimas editiones, veteres & recentes, sed non ferent ægre Venetiæ nec Antverpia nec Basilea suam industriam & ἐπιχειρήματα tri ac procuratori debentur ab omnibus qui hunc sermonem & verbum Dei amant.

CHRISTIANUS SCHOTANUS.